

Headlines

- 1 जम्मू-कश्मीर च औंदी 25 सितंबर गी होने आले दुए गेड दे असैम्बली चुनां लेई प्रचार जोरें-शोरें जारी ऐ। बक्ख-बक्ख सियासी पार्टिं दे बड्डे नेता प्रदेश दे बक्ख-बक्ख हिस्सें च प्रचार करै करदे ना।
- 2 समूलचे केंद्र शासित प्रदेश च मतदाताएं गी जागरूक बनाने लेई स्वीप गतिविधिं दा आयोजन कीता जा'रदा ऐ।
- 3 दिव्यांग, बुजुर्ग ते कसरी मतदाताएं लेई करोआई जा रदी होम वोटिंग सुविधा दा लाहू खरी मती गिनतरी च योग्य मतदाता हासल करै करदे ना। इनें मतदाताएं होम वोटिंग दी सुविधा लेई चुनां आयोग दा धन्नवाद कीता ऐ।
- 4 सीबीआई नै नीट अंडर ग्रैजुएट 2024 पर्चा लीक मामले च 6 होर आरोपिं दे खलाफ दुआ आरोप पत्तर दायर कीता ऐ।



2nd Phase Campaign

जम्मू-कश्मीर च दुए ते त्रीए गेड लेई होने आले विधानसभा चुनां गी दिक्खदे होई गृहमंत्री अमित शाह ते रक्षा मंत्री राजनाथ सिंह होर कल यानि 21 सितम्बर गी जम्मू खित्ते दा दौरा लांगना। दुए गेड तैहत मतदान 25 सितम्बर गी ते त्रीए गेड दा मतदान पैहली अक्तूबर गी होना ऐ। आकाशवाणी जम्मू संवाददाता दी रिपोर्ट मूजब कांग्रेस नेता राहुल गांधी होर 23 सितम्बर गी पुंछ जिले दे सुरनकोट दा दौरा लांगना। गृहमंत्री अमित शाह होर अज्ज संजा जम्मू पुज्जा'रदे ना। उंदा अखनूर, नौशेहरा, राजौरी, थन्नामंडी, मेंढर ते सुरनकोट च रैलियां करने दा कार्यक्रम ऐ। रक्षा मंत्री राजनाथ सिंह होर सुंदरबनी, आर.एस.पुरा, उधमपुर ते पुंछ च रैलियां करगंन। केन्द्रीय मंत्री जे.पी.नड्डा होर जम्मू ईस्ट च रोड शो करगंन। दूई भेठा कांग्रेस नेता राहुल गांधी होर 23 सितम्बर गी जम्मू पुज्जगंन ते सुरनकोट च रैली करगन। बीजेपी ते कांग्रेस दे नेतापुर-जोर कोशश करा'रदे ना। मतदाताएं गी अपने पक्ख च करने दी। प्रधानमंत्री नरेन्द्र मोदी होर कल श्रीनगर ते कटरा च रैली कीती। अपने संबोधन ख् उनें व्यापक विकास बाद्धे गी जकीनी बनाने ते परोआरवाद आली राजनीति गी खत्म करने दा भरोसा दोआया। जम्मू कश्मीर च

चला'रदे विधानसभा चुनावें दे पैहले गेड़ तैहत 18 सितम्बर गी वोट पाए गे। 7एं जिलें च फैली दी 24 विधानसभा सीटें लेई 61 फीसद मतदान होआ। दुए गेड़ तैहत 25 सितम्बर गेड़ लेई पैहली अक्तूबर गी वोट पाए जांगन। वोटें दी गिनतरी आला कम्म 8 अक्तूबर गी होगा।

<><><><><><>

SVEEP-Samba

विधानसभा चुनावें च लोकें गी बधी-चढियै वोट पाने आस्तै प्रेरित करने लेई जिला प्रशासन साम्बा नै इत्थुं दे दूर-दराज ग्रामाहोरगढ़ च स्वीप तैहत इक्क समारोह दा आयोजन कीता। इस समारोह च नुक्कड़ नाटक पेश कीता गेआ जेदे च लोकें गी पैहली अक्तूबर 2024 गी वोट पाने लेई प्रेरित कीता गेआ। लोकसभा चुनावें च घट्ट मतदान होने करी इये जनेय इलाकें च बक्ख-बक्ख समारोह करोआए जा'रदे न तां जे चला रदे चुनावें च लोक बधी-चढियै वोट पाना। जिला चुनावें अधिकारी राकेश शर्मा होरें आकाशवाणी कन्नै गल्ल करदे होई आखेआ।

<><><><><><>

DEO-Poonch

पुंछ दे जिला चुनावें अधिकारी विकास कुंडल होरें एह जानकारी दिती ऐ जे होम वोटिंग च जिले च 98.5 फीसदी मतदान होआ ऐ। एह आंकड़ा बुजुर्ग ते दिव्यांग मतदाताएं च मतदान करने दे उत्साह गी दर्शादा ऐ। होम वोटिंग भारतीय चुनावें आयोग दी पैहलकदमी ऐ। होम वोटिंग दे राएं इनें लोकें गी घरा थमां गै मतदान करने दा मौका मिलेया ऐ। इस मौके पर आकाशवाणी कन्नै गल्ल करदे होई जिला चुनावें अधिकारी होरें आखेआ।

<><><><><><>

Home-Voting Kathua

कठुआ जिले दे 6एं असैम्बली हलकें च चुनावें विभाग दिआं टीमां दिव्यांग ते बुजुर्ग लोकें दे घर जाइयै उत्थुआं गै उंदा मतदान करोआ करदिआं न। बुजुर्ग, दिव्यांगें ते बड़े मते कसरी मतदाताएं गी होम वोटिंग दी सुविधा उपलब्ध करोआने लेई चुनावी टीमें गी बक्ख-बक्ख ग्राएं च भेजेया जा करदा ऐ। चुनावें आयोग दी इस पैहलकदमी कन्नै इनें मतदाताएं गी अपने धरै दा गै वोट पाने दी सुविधा थहोआ करदी ऐ। दिव्यांग, बुजुर्ग ते कसरी मतदाताएं उनेंगी एह सुविधा उपलब्ध करोआने लेई चुनावें आयोग दा धन्नवाद कीता ऐ। होम वोटिंग लेई तैनात इक अधिकारी नै इस सरबंधै च आकाशवाणी समाचार कन्नै गल्ल करदे होई आखेआ।



Jitender Singh and Congress

केंद्री मंत्री डॉ. जतिंद्र सिंह होरें ते बीजेपी दे राश्ट्रीय सचिव तरूण चुग होरें अज्ज राजौरी जिले दा दौरा लाया, उत्तुं दे पीढी इलाके च इक्क चुनावी रैली गी संबोधित कीता ते बीजेपी दे बुद्धल दे मेदवार जुल्फिकार अली हुंदे लेई चुनां प्रचार बी कीतां इस रैली च बड्डी तादाद च लोके हिस्सा लैता। डॉ. जतिंद्र सिंह होरें आखेआ जे स्हाढी सरकारै समाज दे हर समुदाय गी बरोबर समझेया ते जेकर अस्स परतियै सत्ता च आए ते अस्स इस इलाके दे सैलसफा खेतरै गी होर मता बढावा देगे। तोआई ऑल इंडिया प्रोफेशनल्स कांग्रेस दे जम्मू-कश्मीर इकाई दे हेड संजय सपरू होरें आखेआ जे 'डोगरी धाम' नां दी बैठक 25 सितंबर गी रक्खी जा'रदी ऐ जेदे च कांग्रेस नेता राहुल गांधी होर बक्ख-बक्ख खेतरें दे व्यवसायिक होडन ते इस बैठक च उंदी समस्याएं दे बारै गल्लबात कीती जाग ते इनें समस्याएं गी राश्ट्र पैमाने उप्पर सुनेया जाग। उनें आखेआ जे इस बैठक च व्यवसायिके गी अर्थ बवस्था च विकास, रोजगार दे मौके ते उद्योग सरबंधी समस्याएं समेत होर मसलें दे बारै बी विचार करने दा मौका मिलोग।



Congress Press Conference

मुकेश अग्निहोत्री होर जेडे All India Congress Committee (AICC) च विशेष निगरान दा कम्म बी करा'रदे न, उनें जम्मू-कश्मीर दी राजनैतिक परिस्थिति उप्पर गल्लबात कीती। उनें आखेआ जे इस केंद्र शासित प्रदेश च गठबंधन बनने दे मते असार न। उनें जम्मू-कश्मीर च कई बरें थमां होने आहले 'दरबार मूव' दे महत्वै बारै बी गल्लबात कीती। दरबार मूव इक्क ऐसी प्रथा ऐ जेदे तैहत सरकार बारी-बारी जम्मू ते श्रीनगर थमां कम्म चलांदी ही। इस प्रथा दे तैहत मती तादाद च मुलाजमें गी इक्क इलाके थमां दुए च जाना पौंदा हा, जेदे करी इसी राज्य दा राजनीतिक ते सांस्कृतिक समारोह मन्नेया जंदा हा। अग्निहोत्री होरें आखेआ जे जम्मू-कश्मीर च चुनाएं दे चलदे राजनीतिक माहौल जोरें-शोरें च ऐ ते एह मेद कीती जा'रदी ऐ जे क्षेत्रे च बदलाव ते बढौतरी दिक्खने गी मिलोग।



CBI-NEET Chargesheet

सीबीआई नै NEET UG-2024 Question Paper लीक मामले च सीबीआई कोट पटना च 6 आरोपियें खलाफ चार्जशीट फाइल कीती। हुनै तोड़ी इस पेपर लीक मसले च 48 लोकें गी गिरफ्तार कीता गेआ ऐ। आर्थिक अपराध शाखा नै इस मसले च 5 मई गी एफ.आई.आर दर्ज कीती ही।

<><><><><><>

PM-US Visit

प्रधानमंत्री नरेन्द्र मोदी होर इस महीने दी 21 तरीक शा 23 तरीक तगर अमरीका दे दोरे पर होंगन। अज्ज नमीं दिल्ली च इस बारे मीडिया गी जानकारी दिंदे होई विदेश सचिव विक्रम मिसरी होरें दस्सेआ जे इस दरान प्रधानमंत्री केई दपक्खी ते बहु-पक्खी मामलें पर चर्चा करगंन। प्रधानमंत्री होर केई विदेशी नेताएं कन्नै गल्लबात करगंन ते अमरीका च भारती समुदाय गी बी संबोधत करगंन। मिसरी होरें दस्सेआ जे श्री मोदी होर केई अपराधिक ते औद्योगिक प्रमुखें कन्नै मलाटी बी करगंन। विदेश सचिव होरें दस्सेआ जे मोदी होर औंदे शनिवारें क्वाड नेताएं दे चौथे सम्मेलन च शामिल होंगन ते सम्मेलन थमां बक्ख-बाहरें ओह केई नेताएं कन्नै दपक्खी बैठका करगंन। उनें इब्बी दस्सेआ जे भारत अगले ब'रे क्वाड सम्मेलन दी मेजबानी करोग। मिसरी होरें दस्सेआ जे प्रधानमंत्री होर ऐतवारें प्रवासी भारतीयें कन्नै गल्लबात करगंन ते संगारें ओह न्यूयार्क च संयुक्त राष्ट्र महासभा च भविक्ख सरबन्धी शिखर सम्मेलन गी संबोधत करगंन। इस सम्मेलन थमां बाहें प्रधानमंत्री होर केई वैश्विक नेताएं कन्नै दपक्खी बैठकां करगंन। विदेश मंत्रालय मूजब, प्रधानमंत्री होर आर्टिफिशल इंटेलीजेंस, क्वांटम कम्प्यूटिंग, सेमीकंडक्टर ते जैविक तकनीकें जनेहू अज्जे कल्लै दे खेत्तरें च सैह्योग गी बढ़ावा देने आस्तै प्रमुख अमरीकी कंपनिएं कन्नै बी गल्लबात करगंन।

<><><><><><>

Announcement in Dogri

आकाशवाणी जम्मू दा क्षेत्रीय समाचार एकांश 18 सितंबर, 2024 कोला त्रुं गेडे च होआ करदे विधानसभा चुनाव 2024 दे सिलसिले च जम्मू संभाग दे सब्बने 10 जिले दे बारे च विशेष जिला प्रोफाइल कार्यक्रमें दी इक्क श्रृंखला प्रसारित करार दा ऐ। इस सिलसिले च अजें तोहड़ी, डोडा, किशतवाड़, रामबन ते अज्ज बड्डुलै रजौरी जिलें पर आधारित कार्यक्रम बी प्रसारित कीते जाई चुके दा ऐ ते हुन औंदी 22 सितम्बर गी पुंछ जिले पर आधारित विशेष कार्यक्रम दा प्रसारण

कीता जाह्य। एह्दे परैन्त इस्सै म्हीने दी 24, 26, 27, 28 ते 30 सितंबर गी बडले 8:45 बजे बाकी रौह्दे जिलें पर आधारित कार्यक्रम बी प्रसारित कीते जागन जिनदे च जम्मू संभाग दे इनें जिले दा ऐतिहासिक, पर्यटन ते राजनीतिक अवलोकन पेश कीता जाग। केंद्र शासित प्रदेश च होआ करदे विधानसभा चुनाएं दे मद्देनजर, शुरू कीती गेदी इस श्रृंखला दा मकसद आकाशवाणी जम्मू दे श्रोताएं लेई जम्मू संभाग दे सब्बने 10 जिले दे हर इक्क विधानसभा क्षेत्र दे बारे च महत्वपूर्ण जानकारी प्रसारित करना ते उने गी जागरूक रखना ऐ।

MoS-Home

केंद्री गृह राजयमंत्री नित्यानंद राय होरें 76में आर.आर बैच दे पास होए दे सखेत्रु भारतीय पुलिस सेवा दे अधिकारियें गी अज्ज अपराधियें गी सजा देने दे बजाय अपराध गी रोकने दी दिशा च कम्म करने ते नमें आपराधिक कनूनें गी समझने दी गुजारश कीती। साइबर अपराध इक्क बड्डी चुनौती दे रूपै च उभरी चुके दा ऐ, इस चुनौती गी लेइयै उनें तकनीकी कौशल कन्नै इस थमां पार पाने दे प्रयासें च अगुवाई करने दी गुजारश बी कीती। हैदराबाद कश सरदार वल्लभ भाई पटेल राश्ट्रीय पुलस अकादमी च पासिंग आउट परेड दी समीक्षा करने दे बाद उनें आखेआ जे पुलस बवस्था गी मजबूत बनाने लेई केंद्री गृह मंत्रालय नै साइबर फारेंसिक कार्यशाला पुलस टेक्नोलॉजी मिशन ते होरनें पैहल कीती ऐ।

<><><><><><>

FATF-Report

आलमी सतह पर माली कारवाइएं सरबंधी कार्यबल एफएटीएफ नै आखेआ ऐ जे भारत च आतंकवाद दी सब्बने शा बड्डी चुनौती जम्मू कश्मीर च इस्लामिक सूअेट ते अलकायदा कन्नै जुडे दे समूहे थमां ऐ। एफएटीएफ दी रिपोर्ट मूजब एह आतंकवादी गुट प्रदेश च अलगाववादी आंदोलनें कन्नै कुसै ना कुसै रूप च सक्रिय न। एफएटीएफ नै एह मन्नेआ ऐ जे भारत 1947 थमां गै आतंकवाद ते केई चाल्ली दे खतरें दा सामना करै करदा ऐ। रिपोर्ट नै मन्नेआ ऐ जे भारत नै रपे-पेसे दे गैर कनूनी कारोबार ते आतंकी गतिविधिएं लेई रपेया-पैसा उपलब्ध करोआने दे भैडे जतनें पर काबू पाने लेई असरदार बवस्था कीती ऐ।

<><><><><><>